

Timminneq meriarnerlu - Angajoqqaanut paasissutissiissut

Timminermik meriarnermillu tuniluuttoqarsimava? Angajoqqaatut nappaatip tuniluussinnaaneranut pinaveersaartitseqataasinnaavutit. Ilitsersuut atuaruk, meeqqallu timmippat imaluunniit meriarpat sulisut tamatuminnga ilisimatikkit.

Timminneq meriarnerlu

Timminneq tassaavoq tassanngaannaq imiinnartut ittumik anaqalerneq imal. ullup unnuallu ataatsip ingerlanerani arlaleriarluni aqitsumik anartarneq. Timminnertut taaneqassappat meeqqap nalinginnaasumik anarisartagaanit kinissusaa imal. anartarnerup akulikissusaa qularnaatsumik allaassuteqassaaq. Timminneq tappiorannartunik virus-inik, bakterissanik imal. miluuttunik patsiseqarsinnaavoq. Toqunartunittoornerit ilaannut timminneq ersiutaasarpog aseruuttoorner-niluunniit ersiutaasunut ilaasarluni. Naarlunneq, meriarneq timminnerlu ilukkut nappaatinut allanut patsisaasinnaapput. Tamatuma saniatigut naat avataanni nappaatit arlalissuit, ass. toqqusaarlunneq, siuserineq quullu aqquaatigut aseruuttoorneq, meeqqani minnerni meriarnermik tim-minnermilluunniit ilaqartinneqartarput. Naalungiarsunni meeqqanilu nukanganerusuni tappio-rannartut virus-it pingaartumik norovirus (Roskildesyge) kiisalu rotavirus ukiuunerani nalingin-naanerusartut timminnermut patsisaagajunnerupput. STEC (tappiorannartoq E-coli Shigella-toksin-imik toqunartuliortoq) coli-bakteriaavoq immikkuullarissog timminnermik aammik akoqara-jussinnaasumik ersiuteqarsinnaasartoq. Qaqutigut nappaat taanna tartut suliunnaarnerannik kingu-neqartumik peruluutaalersinnaasarpog. Taamaammat STEC immikkut piumasaqaatitalinnik malerua-gassaqarpoq (kingorna tamatumunnga tunngasoq takuuk). STEC inummiit inummut, uumasut tamu-gartortut ilaanniit inunnut kiisalu nersussuup neqaanit nerisassiat imal. tamugartortut anaannik mingutinneqarsimasut aqquutigalugit tuniluuttarpoq. Paaqqinnittarfinni bakterissanik miluut-tunilluunniit patsiseqartumik timminnermik nappaalasogartualersinnaasarportaaq.

Tunillatsinneq

Annami meriaamilu tunillannartoq assaat, atortut nerisassalluunniit aqquutigalugit siaruaattarpoq. Pingaartumik norovirus, suulluunniit qaavini sivisuumik uumasinnaasog, eqqiaalluaraluarluni eqqi-luisaarluaraluarlunilu peeruminaatsuvoq. Tunillatsissimasuniit sulili napparsimalersimanngitsunit, ilaqutariinnit timmittulinneersunit, napparsimasunit imal. suli ajorunnaarluaratik meeqquerivimmut utertunit tunillatsinneq, tassaapput meeqquerivinni nappaatit tuniluunnerannut patsisaasut pingaar-nersaat. Bakterissanik Salmonellanik Campylobacterinillu patsiseqartumik naarluteqarneq neri-satigut tuniluunnerusarmat, virus-imik patsiseqartunit tunillannannginneruvoq. Tunillatsinnermiit napparsimalernissap tungaanut sivisussusaa: ullut marlussuugajuttarput.

Pitsaaliuineq

Nappaatip assaat aqquutigalugit tuniluuttarnera pissutigalugu siaruaatinnginnissaalu anguniarlugu, pingaartumik perusersareernermi nangilersuereernermilu assaat eqqiluutsuutinnissaat pingaa-ruteqarpoq.

Nappaammut ersiutit

Naakkut aseruuttoornermut ersiutaagajuttut tassaapput meriarneq, timminneq naarlunnerlu immaqalu kissarneqarneq. Naarlunneq ataannarani kipisaqattaartumilli annernartuugajuppoq. Suna patsisaasoq apeqqutaalluni nappaammut ersiutit assigiinngissinnaasarput. Nappaatip ersiutai kisiisa toqqam-mavigalugit nappaammik suussusersiniaaneq ajornartuugajuppoq.

Nakorsartinneq

Meeraq pingaartumik meriartarpat kissarneqarpalluunniit imermik amigaateqaleqqunagu imer-luarnissaa pingaaruteqarpoq. Qaqutiguinnaq naakkut aseruuttoorneq nakorsartariaqarsinnaasarpoq taamaassappat nakorsap innassutaa naapertorlugu nakorsaatitortoqassaaq.

Taama nappaateqartoqartillugu maleruagassat

Peqqinnissaqarfik attavigineqassaaq:

- Naalungiarsuuppat
- Anaa aattaqarpat naallu anniarinerinut ersiuteqarpat
- Meeraq nukillaangalluni avatangiisiminut soqutigisaqanngippat
- Meeraq imernikippat imal. nangii panerpata annikitsuinnarmilluunniit masattarpata
- Nakorsartinneq aallartitaq iluaqutaanngippat meerarlunniit nappaamminik nangitseqqippat.

Naarluutit timmissutaasartut ilaanni nappaalassutaasartunilu, meeqqap (inersimasulluunniit) mee-q-qerivimmuq uteqqinnginnermini peqqissilluarsimanissaata saniatigut, annap misissornerani marloriarluni tappiorannartunik nappaateqalersitsisartunik pingaartumik STEC Shigellalu akoqan-nginngerata qulakkeeqqaarnissaa, Nunatsinni Nakorsaaneqarfiup piumasaqaatigisisnaavaa.

Meeq-qerivimmukaqqinnissaq

Meeraq peqqissippat anaalu pissusissamisut isikkoqaleqqippat. Tappiorannartumik norovirus-mik patsiseqartumik naarluuteqarnermi (Roskildesyge) timmikkunnaarnerup meriarunnaarnerullu kingor-na ullut marluk qaangiunneranni aatsaat meeq-qerivimmukaqqissinnaaneq innersuussutaavoq. Tappiorannartunut STEC Shigellamullu tunngatillugu maleruagassat immikkut ittut qulaani takukkit.